

INUIT ATAQATIGIIT

INATSISARTUNI



UKA2021/162

14. oktober 2021

Mariane Paviaisen

Nipilersortartut immiussinissamut 10.000 kr.tikillugu tapiissummit misiliutaasumik 2022-miit augustip aallaqqaataani atuutilersussamik Naalakkersuisut pilersitseqquullugit Inatsisartut aalajangiiffissaattut siunnersuut. Katillugu ukiut marluk ingerlaneranni 300.000 kr.-nik aningaasalerneqassaaq, Nunatsinni nipilersukkanik saqqummersitsisarnerup siuarsarmissaanik siunertalimmik. Misilittagaalersimasut nalilersuinissamut atorneqassapput avammut tunisassiornikkut kiisalu eqqumiitsuliornikkut siuariarsimanermut sunniuteqarsimanersut.

(Inatsisartunut ilaasortaq Aqqalu C. Jerimiassen, Atassut)

Siunnersummi anguniarneqartoq nipilersukkanik allnarnerusunik suliarineqarsimasuni immiussisarnerup aningaasatigut tapiiffigineqarnerulernissaa, taamaaliornikkut nipilersorneq sunngiffimmi sammisassaanaajunnaarluni inuussutissarsiutitut aamma ingerlanneqalersinnaannera anguniarpaa, Siunnersuutaa tunngavilersuutaalu ajunngilluinnaraluartut taamaattoq ungasinngitsukkut Naalakkersuisunit nalunaarutigineqarpoq eqqumiitsuliornermik aningaasaateqarfimmik pilersitsisimallutik, taamannalu nuannaarutigaarput, Siunnersuutip uumap pitsassuugaluartup oqaluuserinissaatalu sivisuumik kinguartinneqartarsimasup maanna oqaluuserinerani pineqartunut qinnuteqarfigisinnaaligassaanut periarfissaq 01.Januar 2022 aallarnerfigalugu ammassa soqaaq_Naalakkersuisut oqariartuuteqarput.

Nipilersornerup inuussutissarsiutitut ingerlanneqarsinnaasunngornissaa ilangullugu ippassaani maani inersuarmi siullermeerlugut oqaluuseraarpot

INUIT ATAQATIGIIT

INATSISARTUNI



tassani nipilersornerup filmilornerullu nunami inuussutissarsiutinut tunngatillugu inuussutissarsiornermik siuarsaaneq pillugu inatsimmi nipilersortartut filmiliortartullu inatsip iluani ilaatinneqalernissaat oqaluusersaarput.

Eqqumiitsuliornermik aningaasaateqarfíup pilersinneqaliivissup 13.August 2021-imilu nalunaarusiorfigineqartup, ukiup nutaap aallaqqaataanni atuutilersussap ukiup nutaap aallartinnginnerani qinnuteqarfigineqarsinnaanngorlugu suliulersuisunngorlaannit suliarineqarluni ingerlasoq naalakkersuisut tusagassiarigaat arajutsinngilarput.

Eqqumiitsuliornermi aningaasaateqarfíkkut nipilersortartut ilangullutik qinnuteqarsinnaapput ingerlatamik ingerlannerannut, angalanerit ineqarnerit, suliarisamik inerisarnerinut, atortussaminnut, saqqummersitsinissaminni siammaanissaminnullu.

Oqaluuserisatsinni nipilersortartut aningaasatigut atugarissaat ilaammat una eqqaanngitsoorusunngilara, Ungasinngitsunnguakkut KNR-ikkut nipilersortartoq nuimasoq nuannersoq apersorneqartoq tusarnaarlugu tupallaatigeqisannik oqaaseqarpoq, oqarpoq ukiorpassuarni KNR-ikkut nipilersuusiami atorneqartarneranniit aningaasarsitinneqarneq ajorluni, isumaqarpunga tamanna eqqortuuusinnaanngitsoq assullu paaserusunnarsivoq nipilersortartut allat taamak aamma pineqartarnersut, sunaluunniimmi pigisaq allanit oqaqqaarani atorneqarpat akiliisoqaranilu nuannersimanavianngimmat KNR-ip taamak pissusilersortarsimanersoq qassillu taamannak eqqugaanersut misissussallugu soqtiginaateqarluinnartutut isiginarpoq.

Eqqumiitsuliorneq aningaasartuutitut isiginngilara, pissarsiarisartagarpus tamatta ataasiakkaarluta naliitsuusoq oqaatigisinaagunarpaput, takusassiaappat, tusarnaagassiaappalluunniit apeqqutaanngilaq uani

INUIT ATAQATIGIIT

INATSISARTUNI



pinngitsoorsinnaanngilarput, taamaammat nuannaarutigaara periarfissamik pingaaruteqartumik ingerlavigeqalersinnaalerlermata.

Siunnersuut torrattorujussuuvoq, periarfissarli qaammataluit qaanngiuppata piareertussammat siunnersuut Inuit Ataqatigiit sinnerlugit itigartittariaqarpaput Naalakkersuisut siunnersummut itigartitsinerminnut tunngavilersuutaat uumallu siunnersuutip imminnut aporaannersut misissorneqartariaqartoq isumaqarpugut, iluatinnarpallaarsoraarput itigartiinnarnissaa kisiannili aamma periarfissanngoriliivinnersoq itisilerlugu qulaajaavagineqarnissaa pisariaqarsorinarnaera pillugu ataatsimiitsitaliamit misissorluarneqarnissaa siunertaralugu ataatsimiititaliamut susassaqartumut ingerlateqqipparput.

Qujanaq.